

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa članom 27. stav (2) Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj: 32/17), Vlada Tuzlanskog kantona na sjednici održanoj dana 30.12.2019. godine, d o n o s i

O D L U K U

o izradi Strategije razvoja Tuzlanskog kantona 2021. – 2027.

I

- (1) Pokreće se proces izrade Strategije razvoja Tuzlanskog kantona 2021. – 2027. (u daljem tekstu: Strategija razvoja Kantona).
- (2) Strategija razvoja Kantona je integrirani, multisektorski strateški dokument Tuzlanskog kantona (u daljem tekstu: Kanton) koji definiira javne politike, usmjerava razvoj teritorije Kantona i jedinica lokalne samouprave i zacrtanim strateškim ciljevima i prioritetima predstavlja putokaz za sveukupni društveni razvoj.

II

U procesu izrade Strategije razvoja Kantona primjenjivat će se načela razvojnog planiranja i upravljanja razvojem iz člana 4. Zakona o razvojnom planiranju i upravljanju razvojem u Federaciji Bosne i Hercegovine.

III

Strategija razvoja Kantona sadržavat će razvojne prioritete Kantona i razvojne pravce definisane u strateškim dokumentima Federacije Bosne i Hercegovine (u daljem tekstu: Federacija) i dokumentima relevantnim za proces integracije BiH u EU, uključujući i Agendu 2030 koju je donijela Generalna skupština UN-a.

IV

- (1) Nosilac izrade Strategije razvoja Kantona je Ministarstvo privrede – Odjeljenje za razvoj (u daljem tekstu: Ministarstvo).
- (2) Učesnici u procesu izrade Strategije razvoja Kantona su institucije Kantona, jedinice lokalne samouprave i socio-ekonomski partneri u Kantonu.
- (3) Horizontalna i vertikalna koordinacija izrade Strategije razvoja Kantona osigurati će se kroz Kantonalni odbor za razvoj i Vijeće za razvojno planiranje i upravljanje razvojem u Tuzlanskom kantonu.
- (4) Ministarstvo će, primjenom otvorene metode koordinacije i poštujući princip horizontalne i vertikalne koordinacije, po potrebi inicirati i formiranje stručnih radnih tijela, kojim će se osigurati uključivanje učesnika iz stava (2) ove tačke u svim fazama procesa izrade Strategije razvoja Kantona.

V

Proces izrade Strategije razvoja Kantona odvijat će se po sljedećim fazama:

- a) Izrada strateške platforme koja obuhvata određivanje vizije razvoja i strateških ciljeva;
- b) Određivanje prioriteta i mjera;
- c) Identifikacija strateških projekata;
- d) Provjera međusobne usklađenosti sa strateškim dokumentima u Federaciji;
- e) Izrada indikativnog finansijskog okvira za implementaciju strateških dokumenata;
- f) Definiranje načina implementacije, praćenja, izvještavanja i evaluacije strateških dokumenata i
- g) Usvajanje strateških dokumenata uz prethodno provođenje procesa konsultacija.

VI

- (1) Strategije razvoja Kantona je ključni dokument za izradu sektorskih strategija, programa rada Vlade Tuzlanskog kantona za mandatni period, trogodišnjih planova rada kantonalnih organa uprave, godišnjeg plana rada Vlade Tuzlanskog kantona, Dokumenta okvirnog budžeta (DOB), godišnjeg budžeta i programa javnih investicija.
- (2) Strategija razvoja Kantona predstavlja podlogu za izradu strategija razvoja jedinica lokalne samouprave u Tuzlanskom kantonu.

VII

Rok za donošenje Strategije razvoja Kantona je 31.12.2020. godine.

VIII

Ova Odluka stupa na snagu danom donošenja i objavit će se u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- 05 - 27076 /19
Tuzla, 30.12.2019. godine



PREMIJER KANTONA

Denijal Tulumović
Prof. dr. Denijal Tulumović